

Finalerdi orekatuak

Munduko Txapelketako finalerdiak gaur eta bihar jokatu dira


Gaur gauean (22:30) jokatu da Gasteizko Olaben Munduko Zestapunta Txapelketako lehenengo finalerdia: Etxalus eta Felixek Rekalde eta Aranburu izango dituzte aurkari. Bihar arratsaldean jokatu da bigarrena: Alberdi I.a eta Goitia, alde batetik, eta Uriarte eta Barrondo, bestetik. Lau bikoteak dira indartsuak eta ez dago faborito argirik igandeko finalerako.

Aitor Ugalde / Donostia

MUNDUKO Zestapunta Txapelketaren autengo ekitaldiaren ezaugarri nagusietako bat bikoteen arteko berdintasuna da. Lehen fasean, Konpa eta Enbil izan ziren besteen mailaren azpitik ibili zirenak. Beste bost bikoteak maila paretsuan aritu ziren. Hori ikusirik, oso zaila da gaurko eta biharko finalerdietarako faboritok zehaztea.

Gaur gaueko 22:30etan Etxalusek eta Felixek Rekalde eta Aranbururen aurka jokatu du te lehenengo finalerdian. Etxalusek eta Felixek A multzoko lehen postua lortu zuten lehen fasean jokaturako bi partidua irabaziz. Rekaldek eta Aranburuk galduegin zuten lehen partidua (Castaños-Elizegiren aurka) eta bigarren partiduan tanteoagatik lortu zuten sailkapena.

Baina, ez dago horregatik esa-



Felix Espilla atzeleraria.

X OUSE S IMAI

terik Etxalusek eta Felixek finalera sailkatzeko aukera gehiago daukatenik. Felixek dioen moduan, egun ona izatea oso garrantzitsua izango da. Izan ere, lauretatik bakarren bat bere mailaren azpitik aritzen bada, beste bikoteak hori ondo aprobetxatzea.

Felixek min handia egiten du eskuinarekin, baina Aranburu pilotari segurua da, eta Olabe bezalako frontoi motzetan errazago heltzen da pilota zailtara. Gernikarra lesio baten ondoren heldu

zen txapelketa honetara, baina ez dirudi ukondoan hartu zuen kolpeak eraginik izan duenik haren jokoan.

Sakeak ere garrantzi handia izango du gaur. Rekalde aurrelari trebea da, ahal duen guztietan sakera sartu eta errematera jotzen du. Hari sakea kentzea izango da Etxalusen zereginetako bat.

Materiala ere garrantzitsua izan daiteke. Olabe frontoi motzagoa denez, ezin dira bertan atera Gernikako diren pilota biziak. Orain arte ez da kexarik izan.

◆ Felix Espilla◆ Puntista

«Finalerdietan egun ona izatea da kontua»

MUNDUKO TXAPELKETAN bi partidu irabazi dituen bikote bakarra Etxalusek eta Felixek osatutakoa da. Momentu onean daudela dio Felixek, baina bikote gogorra izango dutela aurrean gaurko finalerdian.

■ Bi partidua irabazi dituen bikote bakarra zarete. Horrek esan nahi du Etxalus eta zu elkarrekin oso ondo konpontzen zaretela?

Nahiko ondo konpondu ohi gara elkarrekin. Etxalus aurrelari ona da niretzat. Atzelariok beti edukitzen ditugu aurrelari batzuk gustukoak eta Etxalus horietako bat da. Nik errebote asko uzten baditut, berak errebotea badauka, eta ni gustura ibiltzen naiz badakidalako nik ezin badut sartu besteak min handia egingo duela. Hori garrantzitsua izaten da.

■ Rekaldek eta Aranburuk osatutakoa nolako bikotea iruditzen zaizu?

Nik uste dut bikote gogorra egiten dutela. Rekalde oso ondo ibili da urte osoan, nahiz eta denon moduan eduki duen maka-

laldi txiki bat. Eta Aranburuk bere lana beti egiten du, ez da min handia egiten duen pilotaria, baina seguru-segurua da eta Gasteizkoa bezalako frontoi txikietan nik uste dut askoz hobeto jokatzeko duela; haren altuerarekin, pauso gutxi emanez pilota guztietara heltzen delako.

■ Zuentzat txarra al da Gasteizko Olabe frontoia?

Guretzat ere frontoi ona da. Etxalusek frontoi txikietan hobeto jokaten du. Eta nik, zer esan go dizut? Bietan pozik egoten naiz. Uste dut askotan frontoi handietan hobeto jokatzeko dudala, norberak dominatuz gerozulo handiagoak egoten direlako, eta tanto egiteko aukera gehiago. Frontoi txikietan, frontoia bizia bada eskuinarekin min handia egiten dut.

■ Zein izan daiteke partiduen gakoak?

Zelako eguna daukagun laurok eta zein dagoen une horretan ondo klabea izaten da. Finalerdietan hori da kontua, ondo jokatzea eta ondo moldatzea da kontua; azken batean, egun ona iza-

tea. Tanto bat ondo irteteak edo txarto irteteak asko esan nahi du, ondo irteten badu, poztu egiten zara eta txarto irteten badau, ez zara ausartzen jokaldi bat egitea, nahiz eta eskuan eduki.

■ Zerk ematen dizu beldur gehiago, Rekalderen erremateak edo Aranbururen segurtasunak?

Gauza biek. Baina, lehenengo eta behin izaten da sakea. Sakea ondo ateratzea, horixe da garrantzitsua. Rekaldek partidu normal batean igotzen ditu 10 tanto sakera sartuz eta hori da partidua 10-0 hastera; hori gainditzea kosta egiten da.

■ Beste finalerdia nola ikusten duzu?

Alberdi eta Goitiak oso ondo jokatu dute partidu bietan, batez ere Castaños eta Elizegiren aurka; Goitiak partidu ikusgarria jokatu zuen. Baina Uriarte eta Barrondo betiko kontrarioak dira. Uriarte betikoa da, Katxin da Katxin. Eta Barrondo segurua da eta ondo konpontzen dira. Nik uste dut Alberdik eta Goitiak aurreko partiduetan bezala jokatu, aurrera egingo dutela. X

Lau t'erdiko txapelketa egin nahi du Federakuntzak

■ Datorren astean ASPER eta Besagain enpresekin bilduko da

A.U. / Donostia

EUSKADIKO lau t'erdiko Txapelketa antolatzeak asmoa dauka Euskadiko Euskal Pilota Federakuntzak. Txapelketa horretan, bertan jokatzeak izena eman duten hamar pilotarietako jokatu lukete: Besagain enpresako lau pilotarik eta ASPER kooperati berriko beste sei pilotarik. «Deialdia eginga dago, izena eman duten pilotarien zerrenda bat dago eta eurek gura badute txapelketa egitea gure aldetik ez da arazorik izango», adierazi zuten atzo Euskadiko Federakuntzatik.

Datorren astean bilera bat egin nahi du Euskadiko Federakuntzak Besagain eta ASPER enpresetako arduradunekin. Bi enpresa hauek txapelketa jokatzeak prest baldin badaude, bilera horretan txapelketaren xehetasunak lotuko dira: zein frontoitan jokatu den, txapelketaren sistema, material hautatzailea, telebistaz partidurik emateko aukerarik dagoen eta beste hainbat puntu. Federazioak garrantzi handia ematen dio ETBk txapelketa honetako partidua zuzenean emateari. Dagoeneko harremanetan jarri dira telebista katearekin, baina oraindik ez dago erantzunik.

Federakuntzatik diotenez, Asegarcen aldetik ofizialki ez dute jaso txapelketan ez parte hartzeak arrazoirik. Haserrea

antzean daiteke federazioan Asegarcen jarrerarekin. «Eurek diote ekainetik egutegia zehaztuta zeukatela, baina norekin erabaki duzu zuk egutegia? Federaziora txapelketa hasi baino zortzi egun lehenago joan zara», diote Federakuntzatik.

Kontraesanak Asegarcen • Izan ere, kontraesan bat dago Asegarcen txapelketan parte ez hartzeak jarri duen arrazoi eta berak antolatu duen torneoan jarri duen egutegiaren artean. Beste enpresetako pilotarietako lau t'erdiko txapelketan parte hartzen bazuten, Asegarcen ezarritako zeukan egutegia luzatu egingo zela argudiatu zuen enpresak txapelketan parte hartzeak. Asegarcen ezarritako duen torneo, ordea, iazko Euskadiko Txapelketa baino bi aste luzeagoa da, finalerdietan hiru astetan jokatu den ligatxoaren ezaurrea. Euskadiko Federakuntzatik adierazi duteenez, federazio honen asmoa txapelketa iazko sistema berarekin jokatzea zen, finalerdiak partidu bakarrera jokatuz. Sistema hori erabili izan balitz, Besagain eta ASPER enpresetako pilotarietako parte hartuta ere, txapelketa ez zen Asegarcen orain eratu duen torneo baino luzeagoa izango. Argi dago Asegarcen bere pilotarietako bakarrik parte hartuko luketen txapelketa jokatzea nahi zuela. X

Esku pilotan lekua baduela uste du ASPER-ek

■ Atzo aurkeztu zuten kooperatiba moduan sortutako enpresa berria

A.U. / Donostia

ASPER kooperatibak atzo aurkeztu zuen bere enpresa egitasmoa, Errioxako Fuenmayor herria. Kooperatiba moduan osatu dute enpresa Irazola, Iribarren, Urrutia, Iturza, Salaverri eta Dani pilotarietako. Horietaz gain, enpresan beste pilotari batzuk ere badaude: Goñi I.a, Ortiz, Satrustegi eta Retegi IV.a. Bertan sartzeko pilotari gehiago daudela adierazi zuten atzo ASPER-eko arduradunek. Tartean profesionaletan debuta egin nahi duten pilotariak daudela esan zuen Juan Luis Irazolak, ASPER-eko arduradunetako batek.

Enpresa berria egun hauetan eman da ezagutzera, bertako sei pilotarik -Urrutia, Irazola, Goñi I.a, Salaverri, Ortiz eta Danik- Euskadiko lau t'erdiko Txapelketa jokatzeak izena eman dutenean. Eta erabaki horrek Asegarcen pilotarietako txapelketa hori ez jokatzea ekarri du. «Iruditzen zait ez dagoela ondo hori

egitea, guk enpresa izaera izateko behar diren tramite guztiak egin ditugu», adierazi zuten atzo Irazolak. Asegarcen zailtasun jarri du ASPER eta Besagainen enpresa profesionalaren izaera. Horri buruz hauxe esan du Irazolak: «Guretzat pilota hobby-a dela esaten da eta euren enpresetako pilotarietako askoren zati ere hobby-a da; lehenengo mailako lau edo bost kenduta, beste guztiek euren lana daukate. Ikusten da hemen pilotatik ezin dela bizi».

Enpresa horretako arduradunek uste dute lekua badutela esku pilota profesionalen. «Uda partean herri askotatik deitu digute eta negurako ere deitu digute, eta horregatik sortu dugu enpresa hau», esan zuen Irazolak.

Aurrelari bizkaitarrak atzo adierazi zuenez, datorren urteko Manomanista jokatzeak asmoa du. «Nik neure lekua frontoian irabazi badut, uste dut beste urtebetez jokatzeak moduan nagoela», esan zuen. X